

ত্রিপুরা সরকার
তথ্য ও সংস্কৃতি অধিকার

স-৩২৪৫

আগরতলা, ১৫ অক্টোবর, ২০২৫

আসন্ন বিহার নির্বাচনে অর্থের অপব্যবহার রোধে
ই.সি.আই. প্রয়োগকারী সংস্থাগুলিকে নির্দেশ জারি করেছে

ভারতের নির্বাচন কমিশন ৬ অক্টোবর, ২০২৫ তারিখে বিহারের বিধানসভার সাধারণ নির্বাচন এবং ৮টি বিধানসভার উপ-নির্বাচনের সময়সূচি ঘোষণা করেছে।

আসন্ন নির্বাচনে অর্থশক্তি, উপটোকন, মাদক, নেশাদ্রব্য ও মদের ব্যবহার রোধ করার জন্য, কমিশন রাজ্য পুলিশ দপ্তর, রাজ্য আবগারি দপ্তর, আয়কর দপ্তর,, এফ.আই.ইউ.-ইন্ড, রিজার্ভ ব্যাঙ্ক (আর.বি.আই.), এস.এল.বি.সি., ডি.আর.আই., সি.জি.এস.টি., এস.জি.এস.টি., শুল্ক বিভাগ (কাস্টমস), ইডি, নার্কোটিকস নিয়ন্ত্রণ ব্যুরো (এন.সি.বি.), আর.পি.এফ., সি.আই.এস.এফ., এস.এস.বি., বি.সি.এ.এস., এ.এ.আই., ডাক বিভাগ, রাজ্য বন দপ্তর এবং রাজ্য সমবায় দপ্তর সহ সমস্ত প্রয়োগকারী সংস্থাগুলিকে নির্দেশ জারি করেছে।

প্রার্থীদের নির্বাচনী ব্যয় পর্যবেক্ষণের জন্য ইতিমধ্যেই ব্যয় পর্যবেক্ষক মোতায়েন করা হয়েছে এবং নির্বাচনের বিজ্ঞপ্তির দিন তাদের নিজ নিজ নির্বাচনী এলাকায় পৌঁছেছেন। এই সফরকালে তারা ব্যয় পর্যবেক্ষণে নিয়োজিত সকল দলের সাথে দেখা করবেন।

ভোটারদের প্রভাবিত করার জন্য অর্থের শক্তি বা অন্যান্য প্রলোভনের যে কোনও সন্দেহজনক ঘটনা পর্যবেক্ষণ করার জন্য উদ্ভূত স্কোয়াড, নজরদারি দল, ভিডিও নজরদারি দলগুলি সার্বক্ষণিক সতর্ক থাকবে।

নির্বাচনের সময়কালে এফ.এস., এস.এস.টি. এবং আইন প্রয়োগকারী সংস্থাগুলির দ্বারা করা বাধা / জব্দের প্রতিবেদনের জন্য কমিশন নির্বাচনী জব্দ ব্যবস্থাপনা ব্যবস্থা (ই.এস.এম.এস.) নামে একটি অনলাইন সিস্টেমও সক্রিয় করেছে।

২০২৫ সালের ৬ অক্টোবর নির্বাচন ঘোষণার পর থেকে, বিভিন্ন প্রয়োগকারী সংস্থা দ্বারা মোট ৩৩.৯৭ কোটি টাকার নগদ, মদ, মাদক এবং বিনামূল্যের জিনিসপত্র জব্দ করা হয়েছে।

কমিশন আরও জোর দিয়ে বলেছে যে, আইন প্রয়োগকারী কর্তৃপক্ষগুলিকে নিশ্চিত করতে হবে যে এই নির্দেশাবলী বাস্তবায়নের জন্য চেকিং এবং পরিদর্শনের সময় সাধারণ নাগরিকরা যাতে অসুবিধা বা হয়রানির শিকার না হন।

জনসাধারণের যেকোনও সদস্য সি-ভিজিল অ্যাপের মাধ্যমে এই ধরনের যেকোনও লঙ্ঘনের বিষয়ে অভিযোগ করতে পারেন। রাজ্য নির্বাচন দপ্তর থেকে এই সংবাদ জানানো হয়েছে।
